



WWW.AIRFORCE.GOV.MY

BERITA UDARA

INTEGRITI | KEBERANIAN | KECEMERLANGAN | SETIAKAWAN | MENGUTAMAKAN PERKHIDMATAN
SIRI 9 | SEPT 2014



**SAMBUTAN JUBLI EMAS SEMPENA 03
ULANGTAHUN KE-50 PUSAT LATIHAN TERBANG 1
TUDM**

**JADIKAN TEMA HUT TUDM KE-56 04
SEBAGAI MOTIVASI BERTERUSAN**

**MAJLIS RUMAH TERBUKA AIDILFITRI KDYMM 05
SULTAN PAHANG BERSAMA TUDM**



WWW.AIRFORCE.GOV.MY

BERITA UDARA

SEPT 2014

KELUARAN SIRI 9



BERITA UDARA adalah penerbitan rasmi TUDM, walau bagaimanapun setiap tulisan yang disiarkan tidak mencerminkan pandangan rasmi TUDM. Segala sumbangan dari pembaca bagi menceriakan penerbitan ini adalah sangat dialu-alukan. Pengarang berhak untuk membuat pengubahsuaian kepada artikel asal tanpa mengubah maksud asal tulisan.

Semua tulisan dan artikel sila alamatkan kepada:

Markas Tentera Udara
(Untuk Perhatian: Sekretariat D)
Kementerian Pertahanan
Jalan Padang Tembak
50634 KUALA LUMPUR

Tel : 03-20713826/03-20715130
Faks: 03-20714572
Email : prtudm@gmail.com

KANDUNGAN

FOKUS

03 - Sambutan Jubli Emas Sempena Ulangtahn Ke-50 Pusat Latihan Terbang 1 TUDM

ISTIADAT

04 - Jadikan Tema HUT TUDM Ke-56 Sebagai Motivasi Berterusan

19 - Perbarisan Perpisahan Mej Jen Dato' Lim Tiow Yew TUDM

19 - 332 Berjaya Tamatkan Latihan Perajurit Muda Siri 50 / 2014

BERITA

05 - Majlis Rumah Terbuka Aidilfitri KDYMM Sultan Pahang Bersama TUDM

05 - Santapan Beradat Bersama KDYMM Sultan Pahang Sempena HUT TUDM Ke-56

06 - Penyampaian Pingat Jasa Malaysia (PJM) Kepada Mantan Panglima Tentera Udara.

06 - Penyampaian Anugerah Inovasi TUDM 2014

13 - Presiden Obama Tiba di PU Subang Bagi Lawatan Ke Malaysia

13 - Panglima Tentera Udara Lawat Projek Pangkalan Baru TUDM di Sendayan, Negeri Sembilan

15 - No 5 Skn Terima Helikopter EC725

15 - Hari Media Bersama Kementerian Pertahanan Dan TUDM Tahun 2014

16 - 26 Pegawai Terima Sayap Penerbangan

17 - Panglima Bantuan Udara Membuat Lawatan Kerja Ke MATRA 4

18 - Penyerahan Sumbangan Aidilfitri Kepada Anggota OP Pasir Tawau

18 - Serah Terima Tugas Ketua Pengarah Operasi Dan Eksekais

18 - Mesyuarat Pemerintahan Panglima Operasi Udara Siri 01/04

LAWATAN

07 - Program Pertukaran Pegawai Diantara RSAF dan TUDM Bagi Tahun 2014

07 - Program Pertukaran Pegawai Diantara RTAF dan TUDM Bagi Tahun 2014

BERITA BERGAMBAR

10 - Sepintas Lalu Sepanjang April - Ogos 2014

OPERASI DAN LATIHAN UDARA

08 - Eksekais Cope Taufan Dan Teak Mint 2014 Berjaya Capai Objektif

09 - Eksekais AIR THAMAL Siri 21/2014 Berjaya Tingkatkan Hubung Dua Hala

12 - Latihan Elang Malindo 25/2014 Berjaya Tingkat Prosedur Operasi Bersama

PERSONALITI AF-NG

14 - FSjn Mohamad Lockman Bin Abdul Jabar

AGAMA

20 - Tahlil Dan Ceramah Agama Sempena HUT TUDM Ke-56

20 - Pelancaran Tabung Ihya' Ramadhan

BAKAT

21 - Pertandingan Memasak Nasi Tumpang BAKAT Udara

22 - Dialog Bersama Pengerusi BAKAT TUDM

22 - Seminar Kepimpinan BAKAT ATM

SUKAN

23 - TUDM Cemerlang Di Olahraga ATM Ke-51

SIDANG REDAKSI

Penaung
Jen Dato' Sri Hj Roslan bin Saad TUDM

Ketua Editor
Brig Jen Dato' Hj Jamal bin Abu Bakar TUDM

Penolong Ketua Editor
Lt Kol Hj Hairuddin bin Yusof TUDM

Editor
Mej Roslan bin Salam TUDM

Penolong Editor
Kapt Ali bin Mohammad TUDM
Kapt Ezri Hanif bin Yusof TUDM
Kapt Ahmad Iksan bin Abd Rahman TUDM

Grafik
Mohd Azham

Jurufoto
Kpl U Sumardi bin Ismail
Kpl U Khairul Amilin bin Zakaria
Kpl U Haznan bin Hazali
Kpl U Sharizal bin Mustafa
Kpl U Norzana bte Ab Ghani
LUK Ezani bin Abu Bakar
LUK Muhammad Fareez bin Ahmad Fuad
LUK Nor Azlan bin Mohd Nor
LUK (W) Halimatun Sa'adiah bte Zainuddin
LUK Mohamad Safuan bin Azaman
LU Mohd Faizal Izwan bin Mohd Wazir

SAMBUTAN JUBLI EMAS SEMPENA ULANGTAHUN KE-50 PUSAT LATIHAN TERBANG 1 TUDM



ALOR SETAR - Bersempena dengan ulang tahun ke-50 penubuhan Pusat Latihan Terbang 1 (PLTB 1), Tentera Udara Diraja Malaysia telah mengadakan program khas Sambutan Jubli Emas PLTB 1 yang berlangsung di Kolej Tentera Udara, Kepala Batas Kedah pada 23 Ogos 2014.

Majlis ini telah dihadiri oleh Panglima Tentera Udara, Jen Tan Sri Dato' Sri Rodzali bin Daud TUDM bersama jemputan-jemputan dari kalangan pegawai-pegawai kanan, pegawai-pegawai TUDM dan semua anggota yang masih berkhidmat serta yang telah bersara yang pernah berkhidmat sebagai jurulatih penerbangan, pelatih mahupun juruteknik di PLTB 1. Antara jemputan khas yang hadir pada majlis ini adalah anak tempatan pertama yang menjadi Panglima Tentera Udara iaitu Marsyal Muda Udara Tan Sri Sulaiman Sujak (Bersara) dan Pegawai Memerintah pertama PLTB 1 iaitu Group Captain John F Woodard dari Tentera Udara Diraja British (RAF). Seramai lebih kurang 400 jemputan telah hadir untuk meraikan majlis berkenaan.

Pelbagai aktiviti telah dirancang dan dilaksanakan sepanjang acara sambutan berlangsung. Antara aktiviti-aktiviti yang diadakan adalah majlis pelancaran Buku Jubli Emas PLTB 1, pertunjukan udara oleh pesawat pejuang Sukhoi Su-30MKM, pameran statik pesawat-pesawat yang digunakan sepanjang pengoperasian PLTB 1 dan pelancaran 'Time Capsule' untuk PLTB 1.

Sejarah penubuhan PLTB 1 bermula dengan cadangan untuk menubuhkan sebuah pangkalan bagi menempatkan sekolah penerbangan TUDM bermula dalam tahun 1963. Ianya dirangka bertujuan untuk mengambil-alih Lapangan Terbang Alor Setar (kini Lapangan Terbang Sultan Abdul Halim) dari Royal Air Force (RAF) atau Tentera Udara Diraja British.

Penubuhan sekolah dibuat secara berperingkat, kerana kekurangan tenaga pengajar dan kelengkapan yang diperlukan. Pada 1 Julai 1964, Sqn Ldr John F Woodard merupakan seorang pegawai RAF yang ditumpangkan

kepada TUDM dilantik sebagai Pegawai Memerintah Sekolah Penerbangan TUDM yang pertama.

Latihan penerbangan Siri 5 dibuat di TUDM Alor Setar dan merupakan kursus pertama yang diasaskan oleh Sqn Ldr Woodard di TUDM Alor Setar. Seiring dengan arus perkembangan sains dan teknologi, Sekolah Penerbangan TUDM juga telah melalui perubahan dari masa ke semasa. Buat masa kini, nama Sekolah Penerbangan TUDM telah ditukarkan kepada Pusat Latihan Penerbangan Satu (PLTB 1) dan ianya terus berkembang dan melalui pelbagai perubahan mengikut arus perkembangan semasa.

Antara jenis-jenis pesawat yang pernah digunakan oleh Sekolah Penerbangan ini adalah Chipmunk, Piston Provost, Bulldog 100, Dove, Cessna 402B, Aerotiga MD3, Pilatus PC-7 dan pesawat terkini yang digunakan sekarang adalah Pilatus PC-7 Mk II.



JADIKAN TEMA HUT TUDM KE-56 SEBAGAI MOTIVASI BERTERUSAN



GONG KEDAK – Panglima Tentera Udara, YBhg Jen Tan Sri Dato' Sri Rodzali bin Daud TUDM menyeru agar setiap warga TUDM untuk menghayati maksud sebenar tema sambutan HUT TUDM ke-56 pada tahun ini iaitu, Kuasa Udara Kuasa Negara. Penghayatan ini perlu, kerana ianya berupaya menjadikan tema tersebut sebagai motivasi yang berterusan dalam menterjemahkan hasil kerja yang bermutu tinggi.

Panglima Tentera Udara berucap demikian di Perbarisan Hari Ulang Tahun TUDM ke-56 yang disambut pada 1 Jun 14 baru-baru ini. Perbarisan khas tersebut telah diadakan di Pangkalan Udara Gong Kedak dan merupakan kemuncak acara sambutan HUT TUDM ke-56 yang telah dirancang pada tahun ini.



Dalam perbarisan itu juga, Panglima Tentera Udara menyatakan bahawa, Setelah 56 tahun menabur jasa dan bakti kepada Negara, TUDM kini lebih bersedia memperkasa Kuasa Negara dan mendokong setiap aspirasi kepimpinan nasional untuk melonjakkan Malaysia sebagai negara membangun menjelang tahun 2020 dan tahun-tahun seterusnya.

Sebagai langkah bagi memastikan agar tema ini difahami oleh setiap warga TUDM, Panglima Tentera Udara telah meminta agar Panglima, Komander dan seluruh warga TUDM untuk mengambil tindakan terancang bagi menentukan tema ini dijadikan panduan dan dilaksanakan melalui langkah-langkah utama diperingkat pemerintahan dan pangkalan

- Merangka pelan tindak penghayatan tema melalui penerangan, terjemahan dan mempamerkan logo dan tema di lokasi-lokasi strategik di pangkalan dan tempat kerja.
- Melaksanakan aktiviti-aktiviti motivasi bagi peningkatan semangat juang dan keterampilan anggota.
- Merangka dan melaksana program transformasi berdasarkan Pelan AF-NG.
- Menyusun strategi memperkasakan keupayaan TUDM berpandukan *Strategic Readiness System* (SRS)

Semasa perbarisan tersebut juga, Panglima Tentera Udara, YBhg Jen Tan Sri Dato' Sri Rodzali bin Daud TUDM telah mengambil tabik hormat dan memeriksa perbarisan yang diketuai oleh Lt Kol Wan Azlan Azwari bin Wan Ali TUDM terdiri daripada 30 pegawai dan 337 anggota. Perbarisan juga turut dimeriahkan dengan terbang lintas pesawat helikopter dan juga terbang lintas pesawat Sukhoi Su-30MKM.



MAJLIS RUMAH TERBUKA AIDILFITRI KDYMM SULTAN PAHANG BERSAMA TUDM

KUALA LUMPUR – KDYMM Sultan Pahang, Sultan Haji Ahmad Shah Al-Musta'in Billah Ibni Almarhum Sultan Abu Bakar Ri'ayatuddin Al-Muazam Shah berkenan berangkat ke Majlis Rumah Terbuka Aidilfitri KDYMM Sultan Pahang Bersama TUDM pada 16 Ogos 14 yang lalu di Dewan Angkasaraya, Pangkalan Udara Kuala Lumpur.

Keberangkatan tiba KDYMM Sultan Pahang yang diiringi DYTm Tengku Mahkota Pahang dan YAM Tengku Muda Pahang telah disambut oleh Panglima Tentera Udara, YBhg Jen Tan Sri Dato' Sri Rodzali bin Daud TUDM bersama Pegawai-pegawai Kanan TUDM yang lain. Majlis ini turut dimeriahkan dengan kehadiran warga TUDM dari sekitar Lembah Klang.



SANTAPAN BERADAT BERSAMA KDYMM SULTAN PAHANG SEMPENA HUT TUDM KE-56

KUALA LUMPUR – KDYMM Sultan Pahang, selaku Kolonel Yang Dipertua TUDM telah berkenan berangkat hadir Ke Majlis Santapan Beradat bersempena sambutan Hari Ulang Tahun TUDM ke-56. Majlis telah diadakan di Hotel Mandarin Oriental, Kuala Lumpur.

Majlis tersebut turut dihadiri oleh Menteri Besar Pahang, YAB Datuk Sri Diraja Hj Adnan bin Hj Yaakob, Panglima Tentera Udara, YBhg Jen Tan Sri Dato' Sri Rodzali bin Daud TUDM serta pegawai-pegawai kanan TUDM serta isteri masing-masing.

Panglima Tentera Udara dalam sembah ucapannya telah menjunjung kasih diatas keberangkatan KDYMM Sultan Pahang ke majlis santapan tersebut. Majlis santapan beradat tersebut turut diserikan dengan barisan artis-artis tersohor tanah air seperti Dato' Siti Nurhaliza, Dato' Jamal Abdillah, Dato' Khatijah Ibrahim serta iringan muzik oleh Kombo Seni Udara.

Acara memotong kek HUT TUDM ke-56 turut diadakan yang telah disempurnakan oleh KDYMM Sultan Pahang.



PENYAMPAIAN PINGAT JASA MALAYSIA (PJM) KEPADA MANTAN PANGlima TENTERA UDARA



GONG KEDAK – Panglima Tentera Udara telah menyempurnakan penyampaian Pingat Jasa Malaysia (PJM) kepada Mantan Panglima Tentera Udara iaitu Lt Jen Tan Sri Dato' Seri Hj Mohd Yunus bin Mohd Tasi TUDM (Bersara) semasa majlis jamuan ringan bersempena sambutan Hari Ulang Tahun TUDM ke-56 diadakan, baru-baru ini.

Pingat Jasa Malaysia (PJM) adalah 'Campaign Medal' yang telah dizahirkan pada 3 Mac 2003 yang dianugerahkan kepada warga Angkatan Tentera Malaysia dan anggota Pasukan Pengaman dari Negara-negara sahabat, yang telah bertugas menegakkan keamanan dan kedaulatan Negara ini sepanjang tempoh Darurat Pertama dan Darurat Kedua tanpa mengira sama ada lelaki atau wanita dan sama ada masih hidup ataupun yang telah meninggal dunia.



Penganugerahan ini adalah cetusan idea daripada Panglima Tentera Udara dan sesungguhnya pucuk pimpinan TUDM menghargai sumbangan mantan-mantan Panglima Tentera Udara yang pernah berkhidmat dalam perkhidmatan Angkatan Tentera Malaysia dalam operasi menentang pengganas komunis.

Pingat ini merupakan satu penganugerahan dari Seri Paduka Baginda Yang Di-Pertuan Agong dan bersesuaian dengan tarafnya sebagai sebuah 'Campaign Medal' yang berlandaskan perjuangan dan pengorbanan semasa darurat dan penglibatan dalam tugas giat sepenuhnya.

Majlis ini telah diadakan di Hangar No 11 Skn, PU Gong Kedak yang turut disertai oleh pegawai-pegawai tertinggi TUDM, mantan-mantan PTU serta tetamu kehormat jemputan.



SUBANG – Panglima Tentera Udara, YBhg Jen Tan Sri Dato' Sri Rodzali bin Daud TUDM telah menyempurnakan penyampaian Anugerah Inovasi TUDM (AITUDM) yang berlangsung di Kelab Rekreasi Tentera Udara (KRTU), Pangkalan Udara Subang.

Majlis penganugerahan ini adalah bagi mengiktiraf pencapaian terbaik anggota serta pegawai TUDM yang telah mengusahakan projek masing-masing mengikut kategori yang telah ditetapkan.

PENYAMPAIAN ANUGERAH INOVASI TUDM 2014

Pemenang-pemenang pada majlis ini secara automatik telah terpilih untuk mewakili TUDM ke pertandingan Anugerah Inovasi Kementerian Pertahanan (AIKP) 2014 yang akan dianjurkan kelak.

Pemenang-pemenang bagi kategori yang menyertai pertandingan AITUDM tahun 2014 adalah seperti berikut :

Kategori Pengurusan Sumber Manusia

Johan: Markas Tentera Udara – Bahagian Kejuruteraan.

Tajuk: Program Kerjasama Pintar Antara TUDM & Syarikat Airod Sdn Bhd (KPTA).

Naib Johan: Skn 322 TUDM Bukit Ibam.

Tajuk: Sistem Penyampaian Maklumat Skn 322

Kategori Pengurusan Projek Sistem/Teknikal

Johan: Skn 322 TUDM Bukit Ibam

Tajuk: *Wireless Tannoy System*.

Naib Johan: Cawang Kejuruteraan, PU Kuching.

Tajuk: *Nuri Engine Priming Test Set*.

Kategori Pengurusan Teknologi Maklumat

Johan: MATRA 3, PU Butterworth.

Tajuk: *Life Item Alert System*.

Naib Johan: MTU-BTMK.

Tajuk: e-Sistem Tugas Aktiviti & Rekod Kehadiran (e-STARK).

Kategori Pengurusan Kewangan

Johan: Cawang Materiel, Rejimen TUDM.

Tajuk: e-Sistem Pengurusan Dobi dan Jahitan (e-SPDJ).

Naib Johan: Cawang Materiel, PU Labuan.

Tajuk: *Materiel Performance Monitoring System* (MPMS).

Kategori Pengurusan Pelanggan

Johan: No 14 Skn, PU Labuan.

Tajuk: *Smart Patient In-Flight Management* (SPIM).

Naib Johan: Cawang Materiel, PU Kuantan.

Tajuk: Sistem Pengurusan Sel Kontraktorisasi (SPSK).



PROGRAM PERTUKARAN PEGAWAI DI ANTARA RSAF DAN TUDM BAGI TAHUN 2014



KUALA LUMPUR – Seramai 10 orang pegawai Republic Singapore Air Force (RSAF) yang diketuai oleh LTC Chan Ching Hao telah tiba di KLIA pada 17 Jun 14 bagi mengikuti Program Pertukaran Pegawai di antara RSAF dan TUDM bagi tahun 2014.

Sepanjang berada di Malaysia, para delegasi telah dibawa ke Markas



Tentera Udara, Kementerian Pertahanan, PU Subang serta melawat ke tempat-tempat menarik di sekitar Kuala Lumpur.

Program pertukaran pegawai ini bertujuan untuk meningkatkan hubungan erat dua hala di antara RSAF dan TUDM terutama di peringkat pegawai-pegawai muda bagi hubungan pertahanan yang lebih akrab.



PROGRAM PERTUKARAN PEGAWAI DI ANTARA RTAF DAN TUDM BAGI TAHUN 2014



KUALA LUMPUR – Seramai 15 pegawai RTAF telah tiba ke Malaysia sempena Program Pertukaran Pegawai antara TUDM dengan Royal Thai Air Force (RTAF) yang berlangsung pada 19 hingga 25 Mei 14.

Ketibaan delegasi RTAF di Pangkalan Udara Subang dengan pesawat TUDM telah disambut oleh Komander PU Subang, YBhg Brig Jen Abdul Manaf bin Md Zaid TUDM dan eksekutif pangkalan.



Sepanjang berada di Malaysia, Delegasi RTAF telah diberikan taklimat di Markas Tentera Udara dan dibawa melawat ke Pangkalan-pangkalan TUDM.

Delegasi ini juga turut dibawa melawat ke beberapa tempat menarik sekitar Kuala Lumpur.



EKSES AIS COPE TAUFAN DAN TEAK MINT 2014 BERJAYA CAPAI OBJEKTIF

KUALA LUMPUR - Tentera Udara Diraja Malaysia (TUDM) dan Tentera Udara Amerika Syarikat (USAF) telah berjaya melaksanakan satu siri latihan Udara gabungan yang dinamakan Eksesais Cope Taufan dan Eksesais Teak Mint 2014. Eksesais ini telah bermula dari 6 hingga 20 Jun 2014 melibatkan penggunaan Pangkalan Udara Butterworth, Pangkalan Udara Subang dan Pangkalan Udara Kuantan.

Buat pertama kalinya juga, kedua-dua eksesais ini digabungkan bagi mengoptimumkan penggunaan aset serta elemen-elemen udara dari kedua-dua negara dengan objektif-objektif berikut:

- Untuk meningkatkan pemahaman pelaku dengan prosedur bersama yang telah dipersetujui bagi memastikan pelaksanaan operasi udara gabungan dijalankan dengan selamat, cekap dan berkesan di antara TUDM dan USAF.
- Untuk meningkatkan prosedur yang sedia ada bagi eksesais gabungan untuk kedua-dua angkatan udara.
- Memberi peluang untuk latihan dalam suasana *Dissimilar Air Combat Tactic* (DACT) dan *Combine Air Operations*.
- Mengukuhkan persefahaman, setiakawan dan perhubungan antara TUDM dan USAF.

Selain dari itu, eksesais ini adalah merupakan eksesais terbesar TUDM yang dilaksanakan pada tahun ini yang menyaksikan penglibatan penggunaan pelbagai aset dan elemen udara dari kedua-dua angkatan udara seperti penggunaan pesawat-pesawat pejuang, pengangkut dan juga helikopter. Penglibatan pegawai dan anggota dari kedua-dua angkatan udara adalah seramai 1000 orang.

Selain dari itu, penggunaan elemen udara yang lain turut digunakan bagi menguji kemampuan kedua-dua tentera udara, elemen tersebut seperti Pasukan Khas Udara, Peperangan Elektronik, Mencari dan Menyelamat dan sebagainya. Selain dari itu, terdapat juga penggunaan elemen Tentera Darat dan juga Tentera Laut Diraja Malaysia yang turut terlibat dalam latihan ini.

Pada latihan udara kali ini, TUDM telah menghantar pesawat-pesawat pejuang antaranya, Sukhoi Su-30MKM, F/A 18D Hornet, Hawk, MiG-29N, helikopter EC 725 dan Nuri serta pesawat pengangkut C130H. Manakala USAF pula turut menghantar pesawat pejuang dan juga pengangkutnya seperti pesawat pejuang F22 Raptor dan F15 C/D serta pesawat pengangkut pesawat C17 Globe Master.



EKSESAIS AIR THAMAL SIRI 21/2014 BERJAYA TINGKATKAN HUBUNGAN DUA HALA



BUTTERWORTH - Eksesais AIR THAMAL yang dianjurkan oleh TUDM pada tahun ini berjaya meningkatkan hubungan dua hala antara TUDM dan RTAF. Keadaan ini dapat dilihat melalui kerjasama yang ditunjukkan dalam aktiviti-aktiviti yang dianjurkan sama ada semasa latihan mahupun semasa aktiviti luar latihan.

Eksesais gabungan yang melibatkan Tentera Udara Diraja Malaysia (TUDM) dan Tentera Udara Diraja Thailand (RTAF) ini adalah merupakan eksesais tahunan yang dianjurkan secara bergilir di antara kedua-dua buah Negara.

Eksesais AIR THAMAL Siri 24/2014 telah berlangsung selama 14 hari bermula dari 4 hingga 17 Mei yang lalu di Pangkalan Udara Butterworth.

Selain dari meningkatkan kemampuan kedua-dua Tentera Udara, eksesais ini juga bertujuan untuk mencapai objektif-objektif seperti berikut:

- Meningkatkan keupayaan peserta eksesais untuk menggunakan doktrin dan prosedur sedia ada di dalam melaksanakan operasi udara secara gabungan.
- Menambahbaikkan prosedur sedia ada untuk memenuhi keperluan kedua-dua angkatan udara untuk melaksanakan eks gabungan pada masa hadapan.
- Meningkatkan hubungan akrab diantara semua peserta TUDM dan RTAF disemua peringkat.
- Membangunkan dan menguji proses dan prosedur untuk *Combine Air Headquarters* (CAHQ) dan *Combine Air Operation Center* (CAOC).

- Meningkatkan hubungan dua hala, pengetahuan, keupayaan dan perkongsian pengalaman di antara TUDM dan RTAF.

Bagi latihan tahun ini, ianya adalah berkonsepkan pelaksanaan *single side Field Training Exercise* (FTX) dan memberi fokus kepada operasi secara gabungan dengan memaksimumkan aset yang terlibat bagi tujuan untuk meningkatkan keupayaan gabungan dan tahap saling khidmat kedua-dua tentera udara.

Seramai 180 pegawai dan anggota lain-lain pangkat dari TUDM serta 110 pegawai dan anggota lain-lain pangkat dari RTAF telah terlibat dalam menjayakan Eksesais AIR THAMAL pada kali ini. Aset-aset TUDM yang terlibat pada eksesais ini adalah empat buah pesawat pejuang jenis MiG-29N, enam buah pesawat pejuang Hawk 108/208 dan sebuah helikopter S61A Nuri. Manakala RTAF pula telah menghantar enam buah pesawat pejuang F5E/F.

Pada majlis penutup eksesais pada kali ini, turut menyaksikan lima pegawai kanan RTAF dan lima pegawai kanan TUDM telah menerima Sayap Penerbangan Kehormat dari TUDM dan juga dari RTAF.

Penganugerahan Sayap Penerbangan Kehormat ini adalah merupakan satu pengiktirafan tertinggi TUDM dan RTAF bagi menghargai sumbangan dan komitmen yang telah ditunjukkan oleh seseorang pegawai negara sahabat dalam mengeratkan kerjasama dan hubungan dua hala.

Majlis penutup eksesais telah disempurnakan bersama oleh Timbalan Panglima Tentera Udara, YBhg Lt Jen Dato' Sri Hj Roslan bin Saad TUDM dan Deputy Commander-in-Chief RTAF, Air Chief Marshal Sritpong Komutanont RTAF.

SEKITAR SAMBUTAN HUT TUDM

EKSESAIS COPE TAUFAN



PERTANDINGAN MEMASAK BAKAT TUDM



HARI BERSAMA MEDIA DI PU KUANTAN



AIR THAMAL



LATIHAN ELANG MALINDO 25/2014 BERJAYA TINGKAT PROSEDUR OPERASI BERSAMA



KUANTAN – Latihan Bersama Elang Malindo 25/2014 yang diadakan sejak 12 Ogos 14 yang lalu telah berjaya mencapai objektifnya apabila berupaya mengoptimumkan kemampuan aset-aset serta anggota-anggota TUDM dan TNI-AU yang terlibat di dalam latihan kali ini.

Latihan ini juga bertujuan untuk mempertingkatkan kerjasama operasi koordinasi bersama serta pengendalian prosedur operasi udara bersama, selain untuk memperkukuhkan hubungan baik yang telah sedia terjalin.

Pada latihan bersama kali ini, latihan adalah berkonsepkan *Field Training Exercise* (FTX) yang memberi tumpuan kepada operasi secara gabungan bagi tujuan untuk mempertingkatkan keupayaan pengoperasian udara secara bersama.

Dalam latihan ini TUDM menyediakan 4 buah pesawat Hawk 108/208, sebuah pesawat C-130 dan sebuah pesawat EC725 AP. Manakala TNI-AU pula turut menghantar 4 buah pesawat Hawk 109/209, sebuah pesawat CN295 dan sebuah helikopter Super Puma.

Sementara itu, TUDM dan juga TNI-AU juga turut menghantar pasukan khas masing-masing untuk turut serta dalam latihan ini bagi mempertingkatkan keupayaan operasi masing-masing.

Dari aspek keanggotaan yang terlibat pada latihan kali ini, seramai 295 orang peserta telah mengambil bahagian yang meliputi 197 orang anggota dari TUDM dan 98 orang anggota dari TNI-AU.

Di Majlis Penutup Latihan Bersama Elang Malindo 25/2014 hari ini, upacara penutupan latihan telah disempurnakan bersama oleh Timbalan Panglima Tentera Udara yang mewakili Panglima Tentera Udara, Lt Jen Dato' Sri Hj Roslan bin Saad TUDM dan Kepala Setaf Angkatan Udara TNI-AU, Marsekal TNI I.B. Putu Dunia.



Pada majlis penutup latihan ini turut juga diadakan penganugerahan Sayap Penerbangan Kehormat TUDM/TNI-AU kepada lima Pegawai Kanan TUDM/TNI-AU yang telah disampaikan oleh Timbalan Panglima Tentera Udara dan juga Kepala Setaf Angkatan Udara. Pegawai-pegawai Kanan yang menerima Sayap Penerbangan Kehormat adalah:

Pegawai Kanan TUDM

- Lt Jen Dato' Sri Ackbal bin Hj Abdul Samad TUDM.
- Lt Jen Dato' Che Akmar bin Mohd Nor TUDM.
- Mej Jen Dato' Abdul Karim bin Abdul TUDM.
- Mej Jen Dato' Azizool Arif bin Abdul Ghani TUDM.
- Mej Jen Dato' Ansar Ali Majeth TUDM.

Pegawai Kanan TNI-AU

- Marsda TNI Zulhasymi S. Sos.
- Marsda TNI Sudipo Handoyo, S.E., M.M
- Marsda TNI Ida Bagus Anom M., S.E.
- Marsda TNI Moch. Nurullah, S.IP.
- Marsma TNI Agus Dwi Putranto

Seperkara yang begitu signifikan dan menjadi sejarah di majlis penutup Latihan Bersama Elang Malindo 25/2014 kali ini adalah kehadiran mantan-mantan Panglima Tentera Udara dan juga mantan-mantan Kepala Setaf Angkatan Udara TNI-AU. Mereka adalah merupakan pendokong yang memastikan kelangsungan Latihan Bersama Elang Malindo ini diteruskan. Mereka yang turut serta hadir di majlis penutup Latihan Bersama pada hari ini adalah:

Mantan Panglima Tentera Udara.

- Marsyal Muda Udara Tan Sri Sulaiman Sujak (Bersara).
- Lt Jen Tan Sri Dato' Seri Mohd Yunus bin Mohd Tasi TUDM (Bersara).
- Jen Tan Sri Ahmad Saruji bin Che Rose TUDM (Bersara).
- Jen Tan Sri Dato' Sri Suleiman bin Mahmud TUDM (Bersara).
- Jen Tan Sri Dato' Sri Abdullah bin Ahmad TUDM (Bersara).
- Jen Tan Sri Dato' Sri Nik Ismail bin Nik Mohamed TUDM (Bersara).
- Jen Tan Sri Dato' Sri Azizan bin Ariffin TUDM (Bersara).

Mantan Kepala Setaf Angkatan Udara TNI-AU.

- Marsekal TNI (PU) Rilo Pambudi.
- Marsekal TNI (PU) Sutria Tubagus.
- Marsekal TNI (PU) Hanafie Asnan.
- Marsekal TNI (PU) Chappy Hakim.
- Marsekal TNI (PU) Hermasn Prayitno.
- Marsekal TNI (PU) Imam Sufaat.



PRESIDEN OBAMA TIBA DI PU SUBANG BAGI LAWATAN KE MALAYSIA



KUALA LUMPUR -- Presiden Amerika Syarikat Barack Obama yang dalam rangka lawatan ke negara-negara Asia tiba di Pangkalan Udara Subang dengan Pesawat Rasmi Presiden iaitu *Air Force One*.

Presiden Amerika Syarikat ke- 44 itu adalah dalam rangka lawatan rasminya ke Malaysia bermula 26 April sebelum meneruskan lawatan ke Filipina pada 28 April.

Ketibaan beliau telah disambut oleh Menteri Luar Negeri YB Dato' Sri Anifah Aman, Menteri Belia dan Sukan, YB Tuan Khairy Jamaluddin, Duta Besar Malaysia ke Amerika Syarikat Datuk Dr Awang Adek Hussin serta Komander Pangkalan, Brig Jen Abdul Manaf bin Md Zaid TUDM.

Lawatan ini adalah yang pertama oleh seorang Presiden Amerika yang memegang jawatan dalam tempoh 48 tahun selepas lawatan Presiden Lyndon B. Johnson, pada 1966.

PANGLIMA TENTERA UDARA LAWAT PROJEK PANGKALAN BARU TUDM DI SENDAYAN



SENDAYAN – Panglima Tentera Udara, YBhg Jen Tan Sri Dato' Sri Rodzali bin Daud TUDM telah mengadakan lawatan kerja ke tapak projek Pangkalan Baru TUDM di Sendayan Negeri Sembilan baru-baru ini. Rombongan lawatan ini turut disertai oleh Panglima Pendidikan dan Latihan Udara Mej Jen Dato' Hj Abdul Karim bin Abdul TUDM, AKS PPO Mej Jen Dato' Hj Ahmad Anuar bin Ahmad TUDM, AKS Sumber Manusia Mej Jen Dato' Hj Mazlan bin Abas TUDM, AKS Pengurusan Strategik Brig Jen Dato' Wan Normazlan bin Che Jaafar TUDM dan beberapa pegawai kanan TUDM yang lain.

Dalam lawatan tersebut, Panglima Tentera Udara telah diberi taklimat oleh wakil Syarikat 1MDB berkaitan kemajuan keseluruhan projek dan diikuti dengan lawatan ke tapak projek yang sedang dilaksanakan serta menandatangani modul peringatan untuk Pangkalan Udara Baru di Sendayan.



Pangkalan Udara Baru Sendayan yang berkeluasan 750 ekar ini akan dijadikan satu pangkalan latihan iktisas bagi melatih pegawai-pegawai dan anggota-anggota TUDM di dalam bidang logistik, pentadbiran dan pengurusan. Bagi menyelaraskan bentuk pemerintahan di dalam bidang pendidikan, TUDM akan memindahkan kedudukan Markas Pendidikan dan Latihan Udara yang sebelum ini bertapak di Pangkalan Udara Subang ke pangkalan baru ini. Markas ini adalah merupakan satu tiang (pillar) pemerintahan kepada semua pusat-pusat latihan di dalam TUDM.

Pembangunan Pangkalan Udara Baru Sendayan merupakan satu peluang bagi TUDM untuk memperkemaskan lagi struktur pendidikan dan latihan lanjutan ketenteraan yang profesional menjurus kepada keperluan bantuan untuk menyokong pengoperasian aset TUDM.

FSJN MOHAMAD LOCKMAN BIN ABDUL JABAR

Nilai-nilai rejimental dan tradisi ketenteraan serta keazaman yang kuat, merupakan prinsip hidup yang dipegang oleh FSJn Mohamad Lockman bin Abdul Jabar, seorang anggota Pasukan Khas TUDM (PASKAU) dari Rejimen TUDM untuk memastikan beliau dapat memenuhi kehendak perkhidmatan.

Mengulas peranan dan tugas beliau sebagai PTTK Kesiagaan PASKAU, beliau menyatakan, tugas utama beliau adalah menentukan semua anggota PASKAU sentiasa siap siaga, boleh digerakkan untuk melaksanakan operasi pada bila-bila masa dan dimana sahaja.

“Sememangnya menjadi seorang tentera itu sahaja mempunyai keunikan yang tersendiri. Seorang tentera tidak akan menjadi kaya raya, seorang tentera juga tidak mempunyai banyak masa untuk keluarga. Bagi saya, seorang anggota tentera yang baik adalah seseorang yang sentiasa berpegang kepada Nilai Teras perkhidmatan dan mempunyai satu persepsi bahawa tanggungjawab ini adalah pengorbanan yang tidak ternilai kepada negara.” Ujar beliau.

Anak ke empat dari tujuh adik beradik ini dilahirkan di Kluang, Johor pada 24 Februari 1979. Menyingkap kembali sejarah penglibatan dalam TUDM, beliau mula menyertai TUDM pada bulan Mei 1999 dengan menjalani latihan rekrut di Insitut Latihan Tentera Udara Ipoh.

“Arwah bapa adalah seorang bekas anggota tentera darat. Beliau sangat menggalakkan anak-anaknya untuk menceburi Pasukan Keselamatan. Hasil galakkan beliau dan minat yang mendalam dalam bidang ketenteraan telah mendorong saya untuk menyertai TUDM.” tambah beliau.

Selepas berjaya menyertai TUDM, didorong minat yang mendalam dalam Pasukan Khas, beliau kemudiannya mengambil keputusan mengikuti Kursus Asas Komando sehingga berjaya menamatkan kursus tersebut dan seterusnya melayakkan beliau memakai Beret Biru PASKAU.

Kesungguhan dalam menimba ilmu pengetahuan untuk peningkatan diri amat terserlah dalam diri beliau apabila kerap terpilih sebagai Penuntut Terbaik dalam setiap kursus yang dihadiri. “Berebalkan azam dan semangat yang kuat, saya akan pastikan setiap sesuatu yang dilakukan atau peluang yang diberikan, perlu dilaksanakan dengan sebaik mungkin bagi mendapatkan hasil yang diharapkan.” Ujar beliau.


FSJn Mohamad Lockman juga merupakan antara jurulatih perintis untuk tim *Close Quarter Battle* (CQB) yang mula ditubuhkan pada sekitar tahun 2004. Pada ketika itu, beliau telah mengikuti kursus kejurulatihan CQB selama 3 minggu di United Kingdom.

Pada tahun 2008, beliau menyertai misi pengaman UNIFIL dalam MALCON West 1 di Lubnan. Dalam kontinjen itu, beliau telah diberi tanggungjawab khas untuk tugas Pengiring Rapat Khas Komander Malcon West 1. Beliau kemudiannya terpilih untuk menganggotai kumpulan perintis bagi penubuhan Tim *Anti Hijacking Air Craft Unit* dan menerima latihan kejurulatihan di GSEC Training Centre, Oxford United Kingdom.

Menurut beliau, antara pengalaman tugas paling mencabar yang tidak dapat dilupakan adalah sewaktu menyertai Ops Fajar 8 di Teluk Aden, Somalia melibatkan insiden rampasan kapal MT Bunga Laurel pada Januari 2011. “Dalam misi tersebut saya telah diberi tanggungjawab sebagai Perancang Taktikal untuk mengetuai tim menyelamatkan anak kapal MT Bunga Laurel. Misi berkenaan berjalan dengan lancar dan tim kami telah berjaya menahan 7 lanun yang cuba merampas kapal berkenaan dan menyelamatkan semua anak kapal.”

Kecemerlangan serta nilai-nilai murni yang ditunjukkan FSJn Mohamad Lockman di dalam apa jua pelaksanaan bidang tugas, latihan mahupun kursus sepanjang berkhidmat dalam TUDM juga telah melayakkan beliau dinobatkan sebagai Airmen of The Year 2011. “Anugerah ini adalah merupakan satu pencapaian yang tertinggi dalam sejarah kerjaya saya. Anugerah ini juga telah menjadi pembakar semangat dan pendorong kepada diri saya untuk sama-sama merealisasikan pelan transformasi *Air Force Next Generation* yang telah dicetuskan pucuk pimpinan tertinggi TUDM.”

FSJn Mohamad Lockman telah mendirikan rumahtangga dan di kurniakan dua cahaya mata. Beliau yang gemar mengikuti aktiviti berbasikal dan melancong sentiasa memastikan masa lapang yang dimiliki dimanfaatkan sepenuhnya dengan aktiviti-aktiviti riadah bersama keluarga.





NO 5 SKN TERIMA HELIKOPTER EC725

LABUAN - No 5 Skn yang berpangkalan di PU Labuan telah menerima 4 buah helikopter EC725 bagi melaksanakan operasi di kawasan Wilayah II. Empat buah helikopter ini telah diserahkan secara rasminya kepada No 5 Skn dalam satu majlis penyerahan oleh Panglima Tentera Udara, YBhg Jen Tan Sri Dato' Sri Rodzali bin Daud TUDM di PU Labuan.

Empat buah helikopter ini adalah sebahagian dari 12 buah helikopter EC725 yang telah diterima oleh TUDM, di mana helikopter terakhir diterima pada 30 Mei 2014 lalu. Helikopter ini berupaya melaksanakan tugas mencari dan menyelamat, utiliti dan tugas-tugas dokongan logistik yang lain.

Terdahulu, Panglima Tentera Udara turut menyaksikan penyerahan 6 buah helikopter Nuri oleh No 5 Skn kepada No 7 Skn yang berpangkalan di PU Kuching. Majlis penyerahan inbentori pesawat Nuri tersebut telah dilaksanakan di antara Pegawai Memerintah No 5 Skn Lt Kol Mohd Rashidi bin Mohammad TUDM dengan Pegawai Memerintah No 7 Skn Lt Kol Mohamad Daud bin Sulaiman TUDM.

Turut hadir menyaksikan majlis ini adalah Panglima Bantuan Udara Lt Jen Dato' Che Akmar bin Mohd Nor TUDM, Panglima No 2 Div Udara, Mej Jen Dato Ansar Ali Majeth TUDM, Panglima No 1 Div Udara, Mej Jen Dato' Azizool Arif bin Abdul Ghani TUDM, Ketua Pengarah

Ketua Pengarah Operasi dan Eksekutif, Mej Jen Dato' Sri Affendi bin Buang TUDM serta Pegawai-pegawai Kanan TUDM dan anggota-anggota PU Labuan.



HARI MEDIA BERSAMA KEMENTERIAN PERTAHANAN DAN TUDM TAHUN 2014



KUANTAN - Tentera Udara Diraja Malaysia telah menganjurkan program Hari Media Bersama Kementerian Pertahanan dan TUDM pada 26 Mei 2014 bertempat di Pangkalan Udara Kuantan. Penganjuran Hari Media ini juga adalah bersempena dengan sambutan Hari Ulang Tahun TUDM Ke-56 pada tahun ini. Kesemua media telah diraikan oleh Panglima Tentera Udara YBhg Jen Tan Sri Dato' Sri Rodzali bin Daud TUDM.

Seramai 53 wakil media dari pelbagai agensi media tempatan dari Lembah Klang dan Negeri Pahang telah menyertai program Hari Media ini. Bagi wakil-wakil media dari Lembah Klang, mereka telah diterbangkan dengan pesawat pengangkut C130 dari Pangkalan Udara Subang ke Pangkalan Udara Kuantan.

Pelbagai aktiviti menarik telah disediakan oleh TUDM kepada wakil-wakil media sepanjang program berlangsung. Mereka telah dipertontonkan dengan beberapa demonstrasi keupayaan TUDM yang melibatkan elemen-elemen tempur TUDM seperti pesawat pejuang, helikopter dan juga Pasukan Khas Udara (PASKAU). Selain itu, wakil media juga turut berpeluang melihat dengan lebih dekat aset-aset udara TUDM yang terdapat di Pangkalan Udara Kuantan melalui pameran statik pesawat

MiG-29N, Hawk, Aermacchi MB339CM dan helikopter EC725.

Wakil media seterusnya dibawa melawat dan diberikan taklimat berkaitan fungsi dan pengoperasian beberapa instalasi pangkalan seperti Pusat Simulator MiG-29, *Air Combat Maneuvering Instrumentation* (ACMI), Terminal Peluru, Skuadron 320 dan Institut Latihan Pengurusan Ruang Angkasa (INSIPA).

Di akhir lawatan tersebut, wakil-wakil media turut berpeluang menyertai pertandingan menembak menggunakan pistol dari jenis 'Browning' yang diadakan khusus untuk wakil media.

Turut hadir meraikan wakil media adalah Panglima No 1 Div Udara, YBhg Mej Jen Dato' Azizool Arif bin Abdul Ghani TUDM, Ketua Pengarah Operasi dan Eksekutif YBhg Mej Jen Dato' Sri Hj Affendi bin Buang TUDM, Asisten Ketua Staf Sumber Manusia YBhg Mej Jen Dato' Hj Mazlan bin Abas TUDM, Asisten Ketua Staf Pengurusan Strategik YBhg Brig Jen Dato' Paduka Wan Normazlan bin Che Jaafar dan beberapa Pegawai Kanan TUDM lain.

26 PEGAWAI TERIMA SAYAP PENERBANGAN



ALOR SETAR - Seramai 26 pegawai yang berjaya menamatkan Kursus Asas Penerbangan Siri 75 dan Kursus Asas Helikopter Siri 55 telah menerima Sayap Penerbangan dalam satu acara perbarisan yang berlangsung di Kolej Tentera Udara (KTU), Alor Setar, Kedah pada 11 April 2014.

Kursus Asas Penerbangan pada siri kali ini terdiri daripada 26 pegawai-pegawai muda dari ketiga-tiga cabang perkhidmatan (Darat, Laut, Udara) yang telah menjalani kursus asas penerbangan di Pusat Latihan Penerbangan (PLTB) KTU yang bermula dari bulan Mei 2012 hingga Mac 2014.

Sepanjang kursus berkenaan, pelatih-pelatih telah melalui dua fasa latihan iaitu Kajian Bawah dalam fasa pertama dan seterusnya Latihan Penerbangan Asas dalam fasa kedua. Di peringkat Latihan Penerbangan Asas mereka dibahagikan mengikut jenis pesawat iaitu Pilatus PC-7 MK I dan Pilatus PC-7 MK II.

Sejurus tamat fasa penerbangan asas, seramai 11 orang pelatih telah terpilih untuk mengikuti kursus asas peralihan helikopter (Sayap Putar) di Pusat Latihan Terbang 2 (PLTB 2) manakala yang selebihnya meneruskan fasa Penerbangan Lanjutan (Sayap Kaku) di Pusat Latihan Terbang 1 (PLTB 1).



Pada kursus kali ini, Lt Mohd Firdaus bin Awang Koding TUDM telah dipilih sebagai Pelatih Terbaik Akademi dan menerima Piala Panglima Pendidikan dan Latihan Udara. Sementara Kapt Ahmad Zulkifri bin Ahmad Kamal TUDM telah dipilih sebagai Penuntut Terbaik Penerbangan Sayap Kaku dan menerima Piala Komandan Kolej Tentera Udara. Manakala Kapt Hafizullah Noor bin Mohd Sallehuddin dari Tentera Darat pula telah dipilih sebagai Penuntut Terbaik Penerbangan Helikopter dan menerima Piala Nuri.

Penyampaian Sayap Penerbangan dan hadiah kepada pegawai-pegawai ini telah disempurnakan oleh Panglima Tentera Udara, YBhg Jeneral Tan Sri Dato' Sri Rodzali bin Daud TUDM. Turut hadir ke majlis ini adalah Panglima Pendidikan Latihan dan Latihan Udara, YBhg Mej Jen Dato' Hj Abdul Karim bin Abdul TUDM.

TIGA PESERTA MENANGI HADIAH UTAMA PERADUAN MENGARANG



KUALA LUMPUR – Tiga peserta Peraduan Mengarang Artikel Media dan *Bloggers* yang dianjurkan sempena sambutan Hari Ulang Tahun TUDM Ke-56 telah memenangi hadiah utama, mereka adalah Sham Huzaimi bin Nasaruddin (Rentaka), Mohd Fadzreen bin Kamaruddin (Majalah ADJ) dan Dzirhan bin Mahadzir (Janes Defence Weekly).

Hadiah-hadiah dan cenderamata telah disampaikan oleh Panglima Tentera Udara, YBhg Jen Tan Sri Dato' Sri Rodzali bin Daud TUDM dalam majlis penyampaian hadiah yang diadakan di Eagle Nest, Markas Tentera Udara.

Mereka yang berjaya telah memenangi wang tunai sebanyak RM500 setiap seorang dan artikel mereka juga telah diterbitkan dalam majalah *Air Force Digest* keluaran bulan Jun 14.

Selain dari itu, semua peserta yang telah menyertai pertandingan tersebut turut menerima cenderamata khas dari Panglima Tentera Udara dan mereka turut menerima sijil penghargaan dari Tentera Udara Diraja Malaysia.

Turut hadir di majlis ini adalah peserta-peserta peraduan mengarang artikel yang telah menyumbangkan artikel mereka semasa peraduan tersebut. Mereka turut menerima sijil-sijil penghargaan dan cenderamata dari Panglima Tentera Udara, YBhg Jen Tan Sri Dato' Sri Rodzali bin Daud TUDM.

PANGLIMA BANTUAN UDARA MEMBUAT LAWATAN KERJA KE MATRA 4

KUANTAN – Panglima Bantuan Udara, YBhg Lt Jen Dato' Che Akmar bin Mohd Nor TUDM telah melakukan lawatan kerja ke MATRA 4 baru-baru ini bagi meninjau dengan lebih dekat peranan dan tugas yang dilaksanakan oleh unit tersebut.

Ketibaan beliau telah disambut oleh Ketua MATRA 4, Mej Ishak bin Karim TUDM serta pegawai-pegawai dan anggota. Seterusnya beliau telah diberikan taklimat oleh Ketua Matra 4 mengenai peranan dan tugas yang dijalankan oleh unit tersebut sebelum memulakan lawatan ke sel-sel terlibat di dalam MATRA 4.

Panglima Bantuan Udara seterusnya dibawa melihat dengan lebih dekat ke Sel SCAF, Tadbir, Edaran Fizikal, stor-stor di MATRA 4 dan ATSC serta meluangkan masa untuk beramah mesra dengan pegawai-pegawai dan anggota skn.



ANUGERAH KHIDMAT CEMERLANG PERINGKAT TUDM BAGI TAHUN 2013



KUALA LUMPUR – Panglima Tentera Udara, YBhg Tan Sri Dato' Sri Rodzali bin Daud TUDM telah menyampaikan sijil-sijil Anugerah Khidmat Cemerlang (AKC) Tahun 2013 kepada 116 penerima AKC bagi tahun 2013 di Auditorium Kementerian Pertahanan.

Majlis ini diadakan khas bagi mengiktiraf dan menghargai anggota-anggota TUDM yang telah menunjukkan prestasi cemerlang sepanjang tahun 2013 di dalam jawatan dan bidang masing-masing. Semua calon AKC menerima Sijil Khidmat Cemerlang dan hadiah prestasi berjumlah RM1000.00 yang diberikan dalam bentuk Sijil Simpanan Premium Bank Simpanan Nasional.

Panglima Tentera Udara di dalam ucapannya mengucapkan tahniah dan syabas kepada mereka yang menerima AKC. Beliau berharap agar anugerah yang diterima menjadi pemangkin semangat serta galakan untuk berusaha lebih gigih serta menjadikan kualiti dan kecemerlangan terus menjadi teras kepada budaya kerja warga TUDM bagi merealisasikan pelan transformasi *Air Force Next Generation*.

Majlis Penyampaian yang disempurnakan oleh Panglima Tentera Udara ini adalah merupakan acara permulaan bagi penyampaian AKC kepada penerima-penerima yang seterusnya akan disampaikan oleh Pegawai-pegawai Kanan TUDM mewakili PTU di Markas-Markas Formasi dan Pangkalan.

PENYERAHAN SUMBANGAN AIDILFITRI KEPADA ANGGOTA OP PASIR TAWAU



TAWAU – Satu majlis penyerahan sumbangan Aidilfitri kepada anggota Detasmen Op Pasir di Tawau Sabah yang bertugas sepanjang sambutan Hari Raya Aidilfitri pada tahun ini telah disempurnakan oleh Panglima Operasi Udara, YBhg Lt Jen Dato' Sri Ackbal bin Hj Abd Samad TUDM di bangunan Detasmen Op Pasir, Tawau.

Pegawai dan anggota yang ditugaskan untuk operasi ini telah menerima sumbangan oleh Angkatan Tentera Malaysia berupa bungkusan kuih raya manakala duit raya dari TUDM disampaikan kepada pegawai dan anggota detasmen.

SERAH TERIMA TUGAS KETUA PENGARAH OPERASI DAN EKSESAIS



KUALA LUMPUR – Majlis Serah Terima Tugas Ketua Pengarah Operasi dan Eksekais, Markas Pemerintahan Operasi Udara telah berlangsung di Bilik Mesyuarat, Markas Operasi Udara di antara YBhg Lt Jen Dato' Sri Hj Affendi bin Buang TUDM dan YBhg Brig Jen Dato' Hj Mohammad Salleh bin Hj Osman TUDM baru-baru ini. YBhg Lt Jen Dato' Sri Hj Affendi bin Buang TUDM akan menerajui Markas Angkatan Bersama selaku Panglima Angkatan Bersama.

Majlis telah disaksikan oleh Panglima Operasi Udara, YBhg Lt Jen Dato' Sri Ackbal bin Hj Abdul Samad TUDM dan Pegawai-pegawai Markas Operasi Udara.

MESYUARAT PEMERINTAHAN PANGLIMA OPERASI UDARA SIRI 01/14



KUCHING - Mesyuarat Pemerintahan Panglima Operasi Udara Siri 01/14 telah diadakan selama 3 hari bermula dari 5 hingga 7 Mei 14 bertempat di Hotel Pullman, Kuching. Mesyuarat yang dipengerusikan oleh Panglima Operasi Udara, YBhg Lt Jen Dato' Sri Ackbal bin Hj Abdul Samad TUDM ini telah dihadiri oleh Komander-komander Pangkalan, Pegawai Memerintah skuadron-skuadron serta unit-unit dibawah naungan Markas Operasi Udara.



Sebanyak 7 kertas kerja telah dibentangkan oleh wakil-wakil pangkalan dan unit-unit di dalam mesyuarat tersebut iaitu *Air Base Operation Readiness Inspection (ORI) Exercise 2013*, *UAV Utilization*, *Pest Control and Trial Report*, Kesiagaan Pejuang, Pertandingan RKAT LLP TUDM, Memperkasakan Pertahanan Darat dan Peningkatan Kesiagaan Pengurusan Ruang Udara.

PERBARISAN PERPISAHAN MEJ JEN DATO' LIM TIOW YEW TUDM

BUTTERWORTH – YBhg Mej Jen Dato' Lim Tiow Yew TUDM yang bersara dari perkhidmatan TUDM telah diraikan dalam satu istiadat perbarisan ketenteraan yang berlangsung di Pangkalan Udara Butterworth.

Dalam ucapannya, beliau melahirkan rasa kepuasan yang tidak terhingga apabila telah mencurahkan segala khidmat baktinya kepada ATM amnya dan TUDM khasnya.

Istiadat perbarisan yang diadakan khusus sempena persaraan beliau telah melibatkan seramai 11 orang pegawai dan 109 anggota lain-lain pangkat.

Turut hadir menyaksikan istiadat perbarisan ini adalah Timbalan Panglima Tentera Udara, YBhg Lt Jen Dato' Sri Hj Roslan bin Saad TUDM bersama Pegawai-pegawai kanan TUDM, pegawai-pegawai dan anggota dari pelbagai peringkat.



322 BERJAYA TAMATKAN LATIHAN PERAJURIT MUDA SIRI 50/2014

IPOH - Seramai 322 Perajurit Muda telah menamatkan Latihan Perajurit Muda Tentera Udara Diraja Malaysia (TUDM) Siri 50/2014 dengan jayanya setelah mengharungi 24 minggu latihan asas di Institut Latihan Tentera Udara (ITU), Ipoh.

Acara Perbarisan Tamat Latihan Perajurit Muda TUDM Siri 50/2014 bagi kesemua 322 Perajurit Muda ini telah diadakan di Padang Kawad ITU pada 21 Jun 14. Panglima Tentera Udara, YBhg Tan Sri Dato' Sri Rodzali bin Daud TUDM telah mengambil Tabik Hormat serta menyampaikan hadiah kepada Flait Terbaik, Perajurit Muda Terbaik Keseluruhan, Perajurit Muda Penembak Terbaik dan Perajurit Muda Akademik Terbaik dalam istiadat perbarisan tersebut.

Perajurit Muda Abd Ghaffar bin Ab Wahid telah dinobatkan sebagai Perajurit Muda Terbaik Keseluruhan Siri 50/2014 dan menerima Piala Pusingan Panglima Tentera Udara. Sementara itu, Perajurit Muda Mohamad Nadzirul Afiq bin Mohd Ghazali telah dipilih sebagai Perajurit Muda Akademik Terbaik dan menerima Piala Pusingan Panglima Pendidikan Udara. Manakala Perajurit Muda Penembak Terbaik telah disandang oleh Perajurit Muda Mohammad Azwan bin Kamarulzaman dan menerima Piala Pusingan AKS Tadbir.





TAHLIL DAN CERAMAH AGAMA SEMPENA HUT TUDM KE-56

KUALA LUMPUR - Sempena dengan sambutan Hari Ulang Tahun TUDM Ke-56, program berbentuk kerohanian turut menjadi salah satu agenda penting yang dirancang khusus sebagai pengisian sambutan. Antara program berbentuk kerohanian yang telah dianjurkan adalah Majlis Tahlil yang diadakan di Masjid Pangkalan Udara Kuala Lumpur pada 30 Mei 14 lalu.

Majlis Tahlil ini juga turut diisi dengan Ceramah Khas yang disampaikan oleh penceramah jemputan terkenal, Ustaz Kazim Elias. Majlis tahlil ini telah dihadiri oleh Panglima Tentera Udara, YBhg Jen Tan Sri Dato' Sri Rodzali bin Daud TUDM, Pegawai-pegawai Kanan TUDM bersama warga TUDM yang lain.

PELANCARAN 'TABUNG IHYA' RAMADHAN

SUBANG - Panglima Angkatan Tentera, YBhg Jeneral Tan Sri Dato' Sri Zulkifeli Mohd Zin telah melancarkan Tabung Ihya' Ramadhan serta menyampaikan sumbangan Tabung Zakat ATM kepada Tentera Darat, Laut dan Udara dalam satu majlis yang diadakan di Masjid Pangkalan Udara Subang baru-baru ini.

Pelancaran tabung Ihya' Ramadhan adalah bersempena dengan kedatangan bulan Ramadhan yang disambut oleh seluruh umat islam. Tabung Ihya' Ramadhan ini merupakan sumbangan derma dari setiap perkhidmatan serta perseorangan dan digunakan bagi meneruskan aktiviti-aktiviti di masjid sepanjang bulan Ramadhan seperti berbuka puasa, moreh, tadarus serta ceramah.

Timbalan Panglima Tentera Udara, Lt Jen Dato' Sri Hj Roslan bin Saad TUDM telah mewakili TUDM semasa menyerahkan sumbangan bagi pihak TUDM kepada tabung tersebut. Dalam masa yang sama penyerahan sumbangan untuk tabung Ihya' Ramadhan turut disampaikan oleh setiap panglima perkhidmatan yang lain kepada Panglima Angkatan Tentera.

Panglima Angkatan Tentera kemudiannya menyerahkan sumbangan dari Tabung Zakat ATM kepada masjid-masjid dan surau-sarau di bawah kendalian ketiga-tiga cabang perkhidmatan.



PERTANDINGAN MEMASAK NASI TUMPANG BAKAT UDARA

KUALA LUMPUR – Pertandingan Memasak Nasi Tumpang Peringkat BAKAT Udara telah diadakan pada 12 Jun 2014 yang lalu bertempat di Rumah BAKAT Udara, Pangkalan Udara Kuala Lumpur. Pertandingan ini diadakan bagi memilih pasukan yang akan mewakili BAKAT Udara ke pertandingan memasak BAKAT ATM yang bakal diadakan kelak.

Selain memasak nasi tumpang berserta lauk-pauk, acara memasak pencuci mulut seperti kuih cek mek molek juga turut dipertandingkan. Pertandingan peringkat akhir ini disertai pasukan Pangkalan Udara Gong Kedak dan pasukan Rejimen TUDM Jugra yang telah memenangi pertandingan di peringkat zon masing-masing sebelum ini. Pertandingan ini telah menyaksikan Rejimen TUDM Jugra dinobatkan sebagai juara dengan membawa pulang hadiah wang tunai sebanyak RM400.00. Hadiah telah disampaikan oleh YBhg Puan Sri Datin Sri Asnah bte Din, Pengerusi Jemaah Tertinggi BAKAT Udara.





DIALOG BERSAMA PENERUSI BAKAT TUDM

SUBANG – Penerusi Jemaah Tertinggi BAKAT Udara, YBhg Puan Sri Datin Sri Asnah bte Din telah mengadakan sesi dialog bersama ahli BAKAT MTU/MOU yang telah diadakan di Kelab Rekreasi Tentera Udara, PU Subang. Sesi ini telah mendapat sambutan yang menggalakkan dari ahli-ahli Bakat TUDM.

Sesi dialog ini diadakan bertujuan untuk membincangkan permasalahan ahli-ahli BAKAT MTU/MOU dan landasan untuk menyuarakan pendapat serta cadangan. Pertemuan ini juga telah merapatkan lagi hubungan silaturrahim di kalangan ahli-ahli BAKAT.

Turut hadir semasa sesi dialog tersebut adalah Datin Sri Norainy bte Shahar Alam dan Penerusi BAKAT MTU/MOU, Datin Marziah bte Jaldin.



SEMINAR KEPIMPINAN BAKAT ATM



KUALA LUMPUR – Jemaah Tertinggi BAKAT Udara telah menjadi tuan bagi penganjuran Seminar Kepimpinan BAKAT ATM yang berlangsung selama dua hari bermula 03 Jun 2014 bertempat di Dewan Bankuet, Rumah BAKAT ATM. Seminar yang dirasmikan oleh YBhg Puan Sri Datin Sri Umi Kalsom bte Wan Awang, Penerusi Jemaah Tertinggi BAKAT ATM ini telah dihadiri oleh isteri-isteri pegawai ATM berpangkat Mejar dan ke atas.

Tujuan seminar ini diadakan adalah untuk membina keyakinan serta meningkatkan kemahiran asas kepimpinan seperti kemahiran berkomunikasi, mendengar serta keupayaan menangani situasi. Ciri-ciri ini dilihat sebagai intipati pemimpin yang seharusnya ada dalam memastikan objektif serta peranan BAKAT dalam organisasi dapat dimanfaatkan oleh ahlinya secara menyeluruh.



Antara modul yang dibentangkan adalah *Leadership Framework, Developing Leadership Capacity, Attitude And Behaviour, Motivation And Motivating* serta beberapa lagi topik lain yang disampaikan oleh penceramah jemputan, Puan Rahimah bt Yeop, Pengarah Institut Diplomasi dan Hubungan Luar Negeri. Majlis penutup seminar ini disempurnakan oleh YBhg Puan Sri Datin Sri Asnah bte Din, Penerusi Jemaah Tertinggi BAKAT Udara.

TUDM CEMERLANG DI OLAHRAGA ATM KE-51

KUALA LUMPUR - Kontinjen Olahraga TUDM telah mempamerkan aksi yang membanggakan apabila berjaya meraih enam pingat perak dan enam pingat gangsa di dalam Kejohanan Olahraga ATM yang ke-51 yang diadakan di Stadium Mini, Bukit Jalil pada 14 hingga 16 Mei 14 yang lalu.

Lebih membanggakan lagi apabila lima atlet dari kontinjen TUDM turut terpilih mewakili ATM di dalam Kejohanan Olahraga MAKSAT dan Kejohanan Olahraga Terbuka Kebangsaan 2014 yang akan diadakan tidak lama lagi. Panglima Tentera Darat, YBhg Jen Datuk Raja Mohamed Affandi bin Raja Mohamed Noor telah menyempurnakan penyampaian pingat kepada para pemenang dan sekaligus menutup kejohanan pada kali ini.

Turut hadir di majlis tersebut adalah Timbalan Panglima Tentera Laut, Laksamana Madya Dato' Seri Panglima Ahmad Kamarulzaman bin Haji Ahmad Badaruddin dan AKS Materiel, YBhg Mej Jen Dato' Azizan bin Shaari TUDM yang mewakili Panglima Tentera Udara.





PW U II BUDA TERUS HARUMKAN NAMA MALAYSIA DALAM SUKAN BINA BADAN

SINGAPURA – Atlet bina badan TUDM dan juga Negara, PW U II Buda Anchah sekali lagi berjaya membuktikan kehebatan apabila muncul Juara di Kejohanan *South East Asian Championship* kali ke-12, yang berlangsung di Pusat kebudayaan Universiti Kebangsaan Singapura bermula dari 13 hingga 16 Jun 14.

PW U II Buda Anchah telah berjaya mengungguli tempat pertama bagi kategori 70 Kg *Light Weight*. Beliau telah berjaya mengatasi sembilan pencabar dari Singapura, Kemboja, Thailand, Myanmar, Filipina dan Vietnam bagi muncul sebagai juara bagi kategori tersebut.

Kejayaan yang diraih oleh PW II Buda Anchah ini adalah merupakan kejayaan pertama yang dimenangi oleh beliau bagi tahun 2014. Kejayaan beliau ini sekaligus mengharumkan nama negara dan TUDM dalam sukan bina badan.

